



SAKSPAPIR

Saksnr	Utval	Type	Dato
17/2019	Levekårsutvalet	PS	20.05.2019

Sakshandsamar	Arkiv	ArkivsakID
Solrun Hauglum	FE-400, FA-H12	18/1407

UTVIKLING AV TENESTER NEDST I OMSORGSTRAPPA - ORIENTERINGSSAK

Rådmannen sitt framlegg til vedtak:

Saka vert teken til orientering.

Saksopplysningar:

I tråd med sentrale føringar, strategiar frå Kommunedelplan helse og omsorg og målsetninga i prosjektorganiseringa «Lev Vel i Vaksdal» har helse og omsorg dei siste åra jobba med å utvikla tenester med fokus på eigenmeistring, førebygging og rehabilitering. Dette er tenester som ein finn på dei nedste trinna i omsorgstrappa. Når ein samanliknar omsorgstrappa til Vaksdal kommune frå 2015 med 2018, ser me tydelege endringar. Fokus er skyvd nedover i omsorgstrappa, og det er oppretta tenester på dei nedste trinna der det før var manglande eller få tenester og tilbod.

Avdelingar og faggrupper melder at dei har sett positive endringar knytt til dette i 2018, og dei melder om auka aktivitet, styrka tverrfagleg samarbeid og fleire tilbod og tenester som høver for brukarar i alle aldrar som ønskjer å meistra livet sitt så godt som råd. Me når brukarar tidlegare i sjukdomsforløpet, og det vert rapportert om auke i tal yngre brukarar. Særleg gjeld dette innan fagområde rus og psykiatri der det er fleire brukarar i aldersgruppa 18 – 25 år.

Små tenester med ein eller få tilsette, slik som ergo- og fysioterapi og rus og psykiatri kan visa til imponerende aktivitet. Desse fagområda jobbar også godt saman med kvarandre og med andre aktuelle om oppretting av tilbod som har fokus på eigenmeistring og deltaking. M.a. har dei starta fleire gruppetilbod gjennom tverrfagleg samarbeid.

Det vert gitt orientering om dette arbeidet under møtet.